

الغلاء يدفع المصريين للتوقف عن دفع "البقشيش" .. وعمال: "كان هو اللي فاتح بيوتنا"



الثلاثاء 8 أغسطس 2017 11:08 م

"البقشيش" التيبس الإكرامية، تعددت المسميات والمعنى واحد، وهو مبلغ إضافي يتركه المواطن حال حصوله على خدمة فائقة، أو بعد شرائه سلعة معينة، لكن هذا المبلغ لم يعد ضمن حسابات المصريين بعد غلاء المعيشة وارتفاع أسعار جميع السلع والخدمات، رغم اعتماد بعض الفئات عليه كراتب أساسى يُضاف إلى راتبهم الضئيل، كعمال محطات الوقود والمقاهى والمطاعم وأفراد الديليفرى

قبل ما يقرب من 6 أشهر كان محمد إبراهيم، 36 عاماً، عامل بمقهى بلدى، فى منطقة الدقى، يعتمد على "البقشيش" كميزانية مختلفة للعلاج الشهرى لزوجته ولأحد أبنائه: "ده نصيبى اللى كنت باخليه لما حد من العيال يتعب أروح أكشف عليه وأجيب له العلاج به، وكان بيكفى المصاريف"، كان يجمع ما يقرب من 300 جنيه، طوال الأسبوع من "البقشيش": "المعاملة الكويسة مع الزبون والاهتمام به هو اللى بيخليه يدفع لكن دلوقتى هو بيكون مكسوف وهو بيحاسب، لأنه بيحاسب على القد، ولو اتفضل فلوس بيستنى ياخذها غير الأول".

وحسب قول "محمد": "دلوقتى فيه ناس بتدينى بقشيش بس بدل ال2 أو 3 جنيه يادوب يسيبوا لى جنيه واحد". نقص "البقشيش" يُسبب عجزاً فى ميزانية منزله فى بعض الأحيان، خصوصاً أنه كان يفوق راتبه الشهرى: "اللى زبى بيبقى عايش على التيبس اللى بيحى له من هنا أو هنا".

لم يختلف الحال كثيراً لدى محمود فتحى، 26 عاماً، عامل ديليفرى فى أحد المطاعم اليمينية، فكان "البقشيش" بالنسبة له أهم من راتبه الشهرى: "باقبض 1000 جنيه والفيسبا اللى شغال عليها بتاعتى والبقشيش اللى بيطلع كان ليا، وكان ضعف مرتبى يعنى فى الشهر كان يدخل 3 آلاف وأكثر، دلوقتى بقى النص". امتناع المواطنين عن دفع البقشيش، جعل "محمود" يُطيل من ساعات عمله داخل المطعم: "بقيت باشتغل 10 ساعات بدل 8، صاحب المطعم بيزود لى الأجرة، ويمكن أستنفع بكام واحد يدينى رزقى".

"باخلى ورديتى بالليل دايماً علشان الزباين بتوع آخر الليل دول لسه فيهم الخير ويديونى فلوس" .. هكذا يواجه "محمود" ظاهرة نقص البقشيش: "ساعات باعذر الناس اللى بطلت تدفع اللى على علينا، على عليهم". وحسب مئة إبراهيم، 25 عاماً، فإنها تحتفظ بالبقشيش بعد غلاء المعيشة: "يادوب مصروفى ممشيتى بالعافية دلوقتى كنت الأول اللى بيحى يسمح إزاز العربية فى أى إشارة باديله اللى فيه النصيب دلوقتى باوفر ليا".

يذكر أن السياسات النقدية التي يتبعها رئيس الانقلاب العسكري عيد الفتاح السيسي، أدخلت المصريين في دوامة الفقر والجوع دون رحمة، وجعلت الملايين تحت خط الفقر المدقع العالمي